ME NAH GO BACK AH SOFRAY by Esther Edwards

CHORUS

Me nar go bac' ah Sofray Me nar go bac' ah Sofray Me nar go bac' ah Sofray Dem thief out me food up day.

Verse 1

Me nar go bac' ah Sofray Last Easter me bin go An' if me ever go bac' Is because dem put me so.

Verse 2

Me pack me basket full ah food Left um a river bed When me done see de crater Ah hungry ah nearly dead.

Verse 3

Every minute ah dah fall down Me belly reach me back But when me see me basket Is dey at me get de shock.

Verse 4

Me chicken leg done eat off Dem left e chicken bone Dem drink off all me sorrel beer Like if ah fuh dem own.

Verse 5

So me nar gwine back at soufray Do-do gel me nar go An if me ever go back Is because dey put me so.